



MOHAMED Khaled bersama Abdul Rahman (kiri), TS Ng dan Pengerusi Yayasan UCSI, Tan Sri Musa Muhamad melihat logo UCSI yang kini berstatus universiti, semalam.

SITI HASRI / BERNAMA

Skim penarafan setara terhadap IPTS

KUALA LUMPUR: Kementerian Pengajian Tinggi akan memperluas pelaksanaan skim penarafan setara terhadap institusi pengajian tinggi swasta (IPTS), mulai tahun depan.

Menterinya, Datuk Seri Mohamed Khaled Nordin, berkata langkah itu secara langsung akan memberi gambaran keseluruhan mengenai kedudukan universiti awam dan swasta dalam sistem pendidikan kebangsaan.

Berdasarkan data itu, be-

lian berkata, IPT terbabit dapat melaksanakan penambahbaikan sebagai usaha berterusan ke arah mencapai kecemerlangan.

"Saya berharap untuk melihat IPTS di negara ini maju setanding atau malah mengatasi pencapaian universiti awam. Saya percaya visi ini boleh tercapai, sudah ada contoh fenomena ini berlaku secara global," katanya ketika berucap pada pembukaan tirai Universiti College Se-daya International (UCSI) di

sini, semalam.

Majlis itu adalah sebagai meraikan kejayaan UCSI menerima status universiti daripada Kementerian Pengajian Tinggi dan mendaftar sebagai Universiti UCSI, 6 Oktober lalu.

Hadir sama Canselor Universiti UCSI, Tan Sri Dr Abdul Rahman Arshad, serta Presiden Kumpulan dan Naib Canselor universiti itu, Peter T. S. Ng.

Mohamed Khaled berkata, IPT perlu berkembang dan

memenuhi kriteria kecemerlangan tertentu sebelum dapat dianugerahkan status universiti.

Katanya, kriteria itu termasuk tenaga pengajar berkelayakan, pentadbiran berkesan, kemudahan pengajaran dan pembelajaran yang mantap, serta kemudahan pelajar baik.

"Berdasarkan perkembangan, sektor pendidikan tinggi swasta memainkan peranan penting dalam pembangunan negara," katanya.